

donijet odluku kojom će odrediti drugi vremenski period (kraći ili duži) nošenja radne uniforme u odnosu na vremenski period naveden u čl. 13. i 14. ovog Pravilnika.

#### DIO SEDMI – OZNAKE I OPREMA VOZILA SLUŽBE OBEZBJEĐENJA

##### Član 16.

(Oznake vozila)

Vozila službe obezbjeđenja Centra obilježena su na način da se na haubi vozila nalazi grb Službe dimenzija 380 mm x 380 mm (Slika 9.), na bočnoj lijevoj stranivelikim štampanim slovima latiničnim pismom ispisano je "MINISTARSTVO BEZBJEDNOSTI", a u drugom redu malim slovima ispisano je "Služba za poslove sa strancima". Slova su visine 80 mm, odnosno natpis je proporcionalno prilagođen prostoru. Na traci s desne strane sve je isto kao na lijevoj strani, samo je ispisano ćirilničnim pismom.



Slika 9.

##### Član 17.

(Oprema vozila)

- (1) Vozila iz člana 16. ovoga pravilnika opremljena su:
  - a) ugrađenim rotirajućim svjetlima plave boje;
  - b) ugrađenim uređajem za davanje zvučnih signala različitih tonova i
  - c) ugrađenim uređajem za radio-komunikacije na posebnom kanalu.
- (2) Ugradnja i upotreba svjetlosno zvučne signalizacije iz stava 1. ovog člana treba biti u skladu sa odgovarajućim zakonskim i podzakonskim aktima.

##### Član 18.

(Prednost u saobraćaju)

Vozila službe obezbjeđenja Centra imaju prednost u saobraćaju i posebnu brigu saobraćajne policije.

#### DIO SEDMI – OSTALA PRAVILA

##### Član 19.

(Vođenje evidencije)

Ekonom u Centru će voditi evidenciju o izdatim uniformama. Evidencija se sastoji od kartona zaduženja i registra kartona zaduženja. Karton zaduženja formira se za svakog službenika prilikom izdavanja uniforme u Službi. Ovlašteni službenik kojem prestaje radni odnos po bilo kojem osnovu dužan je vratiti uniformu ekonomu centra, za koje je prestalo vrijeme trajanja od 6 mjeseci ili duže, u roku od 7 dana od dana prijema rješenja o prestanku rada u Službi. Ovlašteni službenici su dužni primljenu/zaduženu uniformu održavati uredno i u ispravnom stanju dok traje vrijeme propisano za njihovo trajanje. Ovlašćuje se rukovodilac odsjeka Službe da može u posebnim slučajevima propisani rok zamjene uniforme produžiti ako ocijeni da je postojeća uniforma, s obzirom na

stepen dotrajlosti, funkcionalna i upotrebljiva. Ovlašteni službenik će zamijeniti oštećene dijelove uniforme i prije isteka propisanog vremena njihovog trajanja, ako je do oštećenja došlo iz opravdanih razloga u vršenju ili povodom vršenja službe. U ostalim slučajevima ovlašteni službenik će izvršiti zamjenu oštećenih dijelova uniforme uz nadoknadu vrijednosti Službi.

#### DIO OSMI – ZAVRŠNE ODREDBE

##### Član 20.

(Povreda službene dužnosti)

Ne pridržavanje odredaba ovog Pravilnika predstavlja povredu službene dužnosti.

##### Član 21.

(Nadzor nad primjenom Pravilnika)

Nadzor nad primjenom ovog Pravilnika vrši Služba.

##### Član 22.

(Prestanak važenja prijašnjeg propisa)

Stupanjem na snagu ovog Pravilnika prestaje da važi XI Aneks Pravilnika o načinu vršenja službe obezbjeđenja, naoružanju i opremi, upotrebi vatrenog oružja i drugih sredstava prinude u Centru ("Službeni glasnik BiH", broj 52/07).

##### Član 23.

(Stupanje na snagu Pravilnika)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 01-02-2-98/12

28. marta 2012. godine  
Sarajevo

Ministar sigurnosti BiH  
Mr. **Sadik Ahmetović**, s. r.

#### UPRAVA BOSNE I HERCEGOVINE ZA ZAŠTITU ZDRAVLJA BILJA

### 354

Na temelju članka 80. stavak (2) Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05) i članka 61. stavak 2. Zakona o upravi ("Službeni glasnik BiH", br. 32/02 i 102/09), Uprava Bosne i Hercegovine za zaštitu zdravlja bilja donosi

#### PRAVILNIK O KONTROLI REPRODUKCIJSKOG MATERIJALA POLJOPRIVREDNIH BILJAKA KOJI SE UVOZI

##### Članak 1.

(Predmet)

- (1) Ovim se Pravilnikom propisuje način kontrole reprodukcijskog materijala poljoprivrednih biljaka koji se uvozi, način prijave i obrazac prijave uvoza reprodukcijskog materijala poljoprivrednih biljaka.
- (2) Reprodukcijski materijal poljoprivrednih biljaka u smislu ovog Pravilnika je sjeme poljoprivrednih biljaka i sadni materijal poljoprivrednih biljaka.

##### Članak 2.

(Uvoz)

- (1) Reprodukcijski se materijal poljoprivrednih biljaka može uvoziti u Bosnu i Hercegovinu preko točaka ulaska, odnosno graničnih prijelaza, na kojima je organizirana fitosanitarna inspekcija.
- (2) Kontrolu reprodukcijskog materijala poljoprivrednih biljaka koji se uvozi obavlja nadležna fitosanitarna inspekcija na ulaznim graničnim prijelazima (točkama ulaska) iz stavka (1) ovog članka.
- (3) Kada na graničnom prijelazu ne postoje adekvatni uvjeti za obveznu kontrolu, kontrola reprodukcijskog materijala

poljoprivrednih biljaka koji se uvozi se može obaviti sukladno članku 10. Pravilnika o mjerama za sprječavanje unošenja, širenja i suzbijanja štetnih organizama na bilju, biljnim proizvodima i reguliranim objektima ("Službeni glasnik BiH", broj 59/11), (u daljnjem tekstu: Pravilnik o mjerama).

#### Članak 3.

##### (Prijava pošiljke)

- (1) Uvoznik ili njegov ovlašten zastupnik, prevoznik ili drugo lice koje namjerava uvoziti, obavezan je nadležnom fitosanitarnom inspektoratu na ulaznom graničnom prijelazu (točka ulaska), odmah po dospjeću reprodukcijaskog materijala poljoprivrednih biljaka koji se namjerava uvoziti, podnijeti prijavu uvoza za materijal koji uvozi.
- (2) Kada se sjeme poljoprivrednih biljaka uvozi za osobne potrebe u malim količinama propisanim člankom 4. Pravilnika o mjerama i drugim propisima kojima se uređuje stavljanje u promet pojedinih vrsta sjemena, ne podnosi se prijava iz stavka (1) ovoga članka.
- (3) Izuzetno od odredbe iz stavka (1) ovog članka, reprodukcijaski materijal poljoprivrednih biljaka koji doprije poštom ili ga unose putnici ili osoblje prijevoznih sredstava prijaviti će carinska služba.
- (4) Prijava uvoza reprodukcijaskog materijala poljoprivrednih biljaka iz stavka (1) ovoga članka podnosi se u pisanom obliku, na Obrascu 1 koji je sastavni dio ovog Pravilnika. Uz prijavu se prilažu podaci o reprodukcijaskom materijalu poljoprivrednih biljaka koji se uvozi na Obrascu 2 koji je sastavni dio ovog Pravilnika, te sva ostala dokumentacija koja mora pratiti materijal pri uvozu. Prijava i sva ostala dokumentacija koja mora pratiti reprodukcijaski materijal poljoprivrednih biljaka podnose se u dva jednaka primjerka.

#### Članak 4.

##### (Najava pošiljke)

- (1) Kad se reprodukcijaski materijal poljoprivrednih biljaka namjerava uvesti u Bosnu i Hercegovinu preko ulaznog graničnog prijelaza (točka ulaska) na kojem fitosanitarna inspekcija nije stalno prisutna već se kontrola obavlja na poziv, uvoznici, prijevoznici ili druga ovlaštena lica su obvezni najkasnije jedan radni dan prije, po pravilu pismeno faksom ili elektronski, izuzetno osobno telefonom, nadležnom fitosanitarnom inspektoratu najaviti dospjeće reprodukcijaskog materijala poljoprivrednih biljaka. Za reprodukcijaski materijal poljoprivrednih biljaka čije se dospjeće na granični prijelaz očekuje u ponedjeljak, najava za pregled fitosanitarnim inspektorima dostavlja se najkasnije u petak prethodnog tjedna tijekom radnog vremena.
- (2) Izuzetno od odredbe iz stavka (1) ovoga članka, ne mora se najaviti dospjeće reprodukcijaskog materijala poljoprivrednih biljaka koji se uvozi kao poštanska pošiljka ili ga unosi putnik, odnosno osoblje prijevoznih sredstava.

#### Članak 5.

##### (Kontrola)

Kontrolom dokumentacije koja prati reprodukcijaski materijal i reprodukcijaskog materijala poljoprivrednih biljaka koji se uvozi, provjerava se:

- a) da li je dobavljač upisan u Registar dobavljača sjemena poljoprivrednih biljaka i sadnog materijala poljoprivrednih biljaka, odnosno u Registar dobavljača reprodukcijaskog materijala poljoprivrednih biljaka,

- b) da li se sorta reprodukcijaskog materijala poljoprivrednih biljaka, koji se uvozi a za koji je obavezan upis u Sortnu listu, nalazi na Sortnoj listi Bosne i Hercegovine ("Službeni glasnik BiH", br. 59/10 i 2/12), odnosno da li je za uvoz reprodukcijaskog materijala poljoprivrednih biljaka koji nije na Sortnoj listi Bosne i Hercegovine izdato posebno uvozno odobrenje sukladno Zakonu o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05), (u daljnjem tekstu: Zakon),
- c) da li reprodukcijaski materijal poljoprivrednih biljaka prate propisani certifikati izdati od strane nadležnog tijela zemlje izvoznice,
- d) da li reprodukcijaski materijal poljoprivrednih biljaka koji se uvozi zadovoljava uvjete u pogledu kvaliteta i kategorije utvrđenih Zakonom i važećim podzakonskim aktima,
- e) da li je reprodukcijaski materijal poljoprivrednih biljaka originalno pakiran i propisno označen,
- f) da li podaci na zvaničnoj etiketi na pakovanju odgovaraju pratećoj dokumentaciji.

#### Članak 6.

##### (Dozvola uvoza, odbijanje uvoza)

- (1) Kada se kontrolom iz članka 5. ovog Pravilnika utvrdi da reprodukcijaski materijal poljoprivrednih biljaka ispunjava propisane zahtjeve, fitosanitarni inspektor će u skraćenom upravnom postupku dozvoliti uvoz reprodukcijaskog materijala poljoprivrednih biljaka, sukladno članku 11. stavak (1) Pravilnika o mjerama i to će svojim potpisom i pečatom potvrditi na Obrascu 1 koji je sastavni dio ovog Pravilnika.
- (2) Kada se kontrolom iz članka 5. ovog Pravilnika utvrdi da reprodukcijaski materijal poljoprivrednih biljaka ne ispunjava propisane zahtjeve, fitosanitarni inspektor će rješenjem zabraniti uvoz poljoprivrednog reprodukcijaskog materijala, sukladno članku 31. stavak (8) Zakona.
- (3) Kada se kontrolom iz članka 5. ovog Pravilnika utvrdi da samo dio reprodukcijaskog materijala poljoprivrednih biljaka ispunjava propisane zahtjeve, fitosanitarni inspektor može dozvoliti uvoz samo tog dijela reprodukcijaskog materijala poljoprivrednih biljaka.

#### Članak 7.

##### (Carinjenje)

Carinski organi mogu cariniti samo reprodukcijaski materijal poljoprivrednih biljaka za koji je sukladno članku 6. stavak (1) ovog Pravilnika, fitosanitarni inspektor dozvolio uvoz na Obrascu 1 koji je sastavni dio ovog Pravilnika.

#### Članak 8.

##### (Registar dobavljača)

Do uspostavljanja Registra dobavljača, uvoznici su dužni dati na uvid fitosanitarnom inspektoratu Rješenje o upisu u Registar izdato od strane nadležnog organa.

#### Članak 9.

##### (Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH", a primjenjuje se od 01.07.2012. godine.

Broj UZZB-01-1-02-2-289-1/12

10. travnja 2012. godine  
Sarajevo

Direktor  
**Radenko Radović**, v. r.

## Obrazac 1

Podnosilac prijave

Naziv Adresa Telefon 

Fitosanitarna inspekcija

Odjeljenje Granični prijelaz PRIJAVA UVOZA REPRODUKCIJSKOG MATERIJALA POLJOPRIVREDNIH  
BILJAKA\*Vrsta reprodukcijskog materijala poljoprivrednih biljaka koji se uvozi  
(označiti)

- Sjeme poljoprivrednih biljaka  
 Sadni materijal poljoprivrednih biljaka

Podaci o reprodukcijskom materijalu poljoprivrednih biljaka  
su priloženi uz ovu prijavu i njen su sastavni dio.Uvoznik   
(Tvrtka i sjedište/ime i prezime, adresa)

Registarski broj iz Registra dobavljača sjemena poljoprivrednih biljaka i sadnog materijala poljoprivrednih biljaka:

Sjemena  Zemlja izvoznica Sadnog materijala  Zemlja proizvođače Izvoznik  Vrsta i oznaka prijevoznog sredstva   
(Tvrtka i sjedište/ime i prezime, adresa)Priloženi prateći dokumenti Potpis i pečat podnosioca prijave:  

---

\*Prijava se podnosi u dva jednaka primjerka

## RJEŠENJE

Kontrola reprodukcijskog materijala poljoprivrednih biljaka obavljena.  
Reprodukcijski materijal poljoprivrednih biljaka iz ove prijave ispunjava zahtjeve navedene u članku 31. stavak (5) Zakona.

Broj:

OTISAK ŽIGA SA KLAUZULOM  
Obvezna kontrola izvršena  
UVOZ DOZVOLJEN

Fitosanitarni inspektor:

---

  
(ime, prezime, potpis i žig)

Obrazac 2

Privitak Prijave uvoza reprodukcijskog materijala poljoprivrednih biljaka broj: \_\_\_\_\_ od \_\_\_\_\_

**PODACI O REPRODUKCIJSKOM MATERIJALU POLJOPRIVREDNIH BILJAKA KOJI SE UVOZI**

Redni broj	Vrsta bilja (upisati i latinski naziv)	Sorta	Kategorija	Oznaka partije	Službeno tijelo odgovorno za nadzor u zemlji proizvodnje	Količina (kg, broj sjemenki, sadnica, snopova)	Način pakiranja
1	2	3	4	5	6	7	8

Datum: \_\_\_\_\_

Potpis i žig podnosioca prijave: